



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

De Sacramento Ordinis.

**urn:nbn:de:hbz:466:1-41233**

omnibus, hic & ubique, in Christo quiescentibus, da propitius veniam peccatorum, ut, à cunctis reatibus absoluti, tecum sine fine lætentur. Per eundem Dominum nostrum Iesum Christum, qui *Et c.*

*Vers.* Requiescant in pace. *Resp.* Amen.

## DE SACRAMENTO ORDINIS.

I.



*O*tum hujus Sacramenti ministerium ad Episcopos pertinet; non tamen à Parochis prorsus ignorandum; ut, dum aut Ordinandorum confessiones audiunt aut alioqui eos instruere volunt, sciant, quomodo eorum saluti rite & apte consulant; & intelligant, quales ipsi Sacerdotes, tam ordinati, quam ordinandi, esse debeant.

II. Ordo igitur est Sacramentum, quo, quibusdam verbis ac rebus, Ordinato traditur potestas conficiendi Sacram Eucharistiam; aliaque Ecclesiastica munia rite obeundi, vel ministrandi.

III. Sacramentum hoc, habet pro materia, varia instrumenta, quæ, pro singulorum Ordinum ratione, ordinandis ab Episcopo traduntur.

IV. Forma etiam, pro graduum varietate, in singulis Ordinibus diversa est: ea enim sunt verba, quæ Episcopus profert, cum materiam singulorum Ordinum, & potestatem ministrandi, in Ecclesia tradit: & requiritur, ut Ordinandi tangant manu materiam simul, dum Episcopus verba formalia pronunciat.

V. Quod ad numerum Ordinum attinet, sunt septem: Minores quatuor; nempe Ostiarius, Lectoratus, Exorcistatus, & Aco-

luthatus. Majores sunt tres, qui etiam propter excellentiam Sacri vocantur, quia circa sacram Eucharistiam, & vasa sacra, majoribus quibusdam ministeriis occupantur; propter quæ, illis insigniti, majori sanctitate excellere debent: Subdiaconatus, Diaconatus, & Presbyteratus. Præcedit hos omnes prima Tonsura; quæ licet Ordo non sit, tamen vigorem Ordinis habet, ac jus & privilegium Clericatus tribuit.

V I. Presbyterorum Ordo gradibus dignitatum distinguitur; ut sint alii minores Sacerdotes qui Presbyteri dicuntur, alii majores qui vocantur Episcopi. Alii Archiepiscopi, alii Primates, alii Patriarchæ sunt: & præter hos omnes, sancta Romana Catholica Ecclesia summum Sacerdotem, S. D. N. Romanum Pontificem, omnium fidelium caput, humiliter veneratur & agnoscit. Licet autem septem sint Ordines, unum tamen omnes simul efficiunt Sacramentum, ex fine, quo scilicet omnes ad consecrationem Corporis Christi referuntur, & in Sacerdotio consummantur.

V II. Effectus Sacramenti Ordinis est, primo, gratia Dei; quæ confertur digne suscipientibus, ut, Ordine accepto, rite eo fungantur, ad suam & proximorum salutem. Hinc est, quod Ordinandi, ad singulas Ordinationes, merito confiteri debent, & sacram Eucharistiam sumere. Alter effectus est, collatio potestatis spiritualis, Character appellatus, qui ita suscipientium animæ imprimitur, ut perpetuo maneat, nec per excommunicationem, degradationem, apostasiam, aut ullam infidelitatem, tolli possit; licet, per hæc & alia impedimenta, mera executio sacrorum Ordinum prohibeatur.

V III. Diligenter caveant omnes Superiores Ecclesiarum quarumcunque, præsertim vero Parochi, ne ullos ignotos Sacerdotes, vel Clericos, etiam Regulares aut cujusvis Ordinis habitum deferentes, maxime Clericos juniores, ubi Ordinibus susceptis redierint, sacrificium Missæ offerre, aut in eo ministrare, patiantur,

nisi

nisi litteræ Episcopi, (quas Formatas vocamus,) vel, si Regulares fuerint, Superioris aut Prælati Ordinis sui, testimonium viderint, qui Ordinum susceptorum indubitatam fidem præbeant.

## DE SACRAMENTO MATRIMONII.

Et primo de Sponsalibus futuri  
conjugii; Notæ.

I.



Quoniam ardua res est Matrimonium, in quo vir & mulier ita colligantur, ut nulla de causa, nec per ullam dispensationem, vinculum solvi, & priore vivente, uxor alia superinduci possit; recte Sponsalia illi præmittuntur, tum ut matura deliberatione & præparatione contrahatur, tum ut impedimenta, si quæ subsint, in apertum proferantur.

II. Sunt autem Sponsalia futurarum nuptiarum mutua promissio; quæ per verba futuri temporis, vel nude & simpliciter contrahuntur, vel etiam jurejurando, annuli, arrhæ aut nummi donatione & acceptione, confirmantur.

III. Mutua autem ista promissio ad desponsandos referri debet: nam, etsi parentes pro liberis Sponsalia contrahere possint, invalida tamen censentur, nisi liberorum consensus expressus tacitusve accedat.

IV. Est & illud receptum, ut inter absentes, per litteras, per nuncium, per procuratorem, contrahi possint.

V. Minores septennio, sponsalibus contrahendis non sunt idonei; quod rationis usu carere præsumantur.

VI. Etsi non, ut in Matrimonio ineundo, ita in Sponsalibus contrahendis, Parochi ejusve Vicarii præsentia absolute sit necessaria; tamen, quia in Diæcesibus plerisque more